

皇  
明  
詔  
制

皇明詔制卷七

奉

天承運

皇帝詔曰朕承

皇天之眷命賴

列聖之洪休奉

慈壽皇太后之懿旨

皇兄大行皇帝之遺詔屬以倫序入奉

宗祀内外文武羣臣及耆老軍民合詞勸進至於再

皇明詔赦

七  
正德十二年

備主抄書有和

二十六

三辭拒弗獲謹於四月二十二日祇告

天地

宗廟

社稷卽皇帝位深思

付託之重實切兢業之懷惟我

皇兄大行皇帝運撫盈成業承熙洽勵精雖切化理

未孚中遭權姦曲爲蒙蔽潛弄政柄大播凶威

朕昔在藩邸之時已知非

皇兄之意茲欲興道致治必當革故鼎新事皆率繇

乎

舊章亦以敬承夫

先志自惟涼德方在冲年尚賴親賢共圖新治其以  
明年爲嘉靖元年大赦天下與民更始所有合  
行事宜條列于後

一自正德十六年四月二十二日昧爽以前  
官吏軍民人等有犯除謀反逆叛子孫謀  
殺祖父母父母妻妾殺夫奴婢殺家長殺  
一家非死罪三人採生拆割謀殺故殺蠱

毒魘魅毒藥殺人強盜妖言姦黨失機并  
事干邊方夷情及人命至死罪者不赦外  
其餘已發覺未發覺已結正未結正罪無  
大小咸赦除之敢有以赦前事相告言者  
以其罪罪之

一弘治十八年五月十八日以後正德十六  
年四月二十二日以前在京在外内外大  
小官員人等有因忠直諫諍及守正被害  
去任降調陞改充軍爲民等項及言事忤

旨自陳致仕養病等項各該衙門備查明  
白開具事情奏請定奪死忠者諭祭修墳  
廕敘降調陞改致仕養病閑住充軍爲民  
者起復原職酌量陞用大臣量進階級并  
與應得恩廕人夫月米相應起用者有缺  
推用已故者加贈

一正德十四年文武官員人等爲因諫止巡  
遊跪門責打降級改除爲民充軍等項該  
部具奏起取復職酌量陞用被打死者情

三  
言  
尤可憫各追贈諭祭仍廕其一子入監讀書內有充軍故絕者一體追贈諭祭查訪親屬量與優養

一王府冊封朝廷大禮今後該部務照舊制一年一次舉行

一各處王府應得祿米有缺少者各該巡撫都御史督率所屬查催完納

一各處郡王將軍府子女有應請名請封選婚者本府卽與保勘奏請承奉長史等官

不許刀蹬其有年已長成未曾婚配貧難無力者所在官司量爲助給

一各處郡王將軍中尉有因事革減祿米者除毆殺人命敗倫傷化外其餘自詔書到日爲始俱照舊支給儀賓有因成婚年遠不曾赴京謝恩叅奏者悉皆宥免

一自正德元年以來諸色人等傳陞乞陞大小官職盡行裁革吏禮兵工四部各將查革過傳陞乞陞文武僧道匠藝官員名數

類奏查考其皇親及公主所生子孫原無出身正途朝廷推恩陞授者不在此例

一兩京五府見任掌印僉書管軍管事公侯伯都督及都指揮六部等衙門見任文職四品以上官并各處巡撫官俱聽自陳去留取自上裁武職內有傳旨管事者革去管事照舊帶俸文職五品以下兩京吏部照例會官考察

一內府各衙門見任官員有侍從年久供事

勤勞願告優閑者許各具本陳請取旨定奪

一給事中御史職當言路今後凡朝廷政事得失天下軍民利病許直言無隱文武官員有貪暴姦邪者務要指陳實跡糾劾在外從巡按御史糾劾

一官吏軍民人等犯罪自正德九年正月二十八日以後已問結立功哨瞭運灰運炭運磚運石做工納米納料納鈔擺站煎鹽

炒鐵充儀從軍伴膳夫及罰班重歷拘役  
枷號等項悉皆放免中間若係行止有虧  
敗倫傷化例該帶俸差操革職役爲民者  
仍各照例發落

一武職官降級調衛者除失機事干邊情不  
宥外其餘俱復職回衛內原係錦衣衛者  
調在京別衛文職因公錯并公事註誤降  
級者復原職內原係京官者對品別用其  
因事革罷爲民者除事干行止有虧敗倫

傷化外悉與冠帶閑住原係冠帶閑住及京官調外任致仕者各照原職致仕

一各處武職有因私役軍人不及五名例前問擬降級者守邊失誤被賊搶虜人民不及五名情輕律重降級者俱復還原職其各邊軍人因失事饒免發遣常川守哨者亦免哨

一正德十五年十二月以前各處實徵稅糧馬草農桑人丁絲絹布疋絲綿花絨屯田

皇莊莊田子粒牧馬草場子粒租銀及甲  
丁二庫蠟茶銅漆銀硃鹽課厨料戶口食  
鹽猪羊鷄鵝備用孳生馬騾山厰柴夫後  
府柴炭軍器沿河軍衛有司蘆葦茭草夫  
價及開壩泉溜洪淺等夫并椿草等料及  
曠役等項銀兩一應歲派歲辦奏派但係  
該納官錢糧物件拖欠未徵者盡數蠲免  
以蘇民困已徵在官該起解者照舊起解  
准作本戶以後年分該納之數冬造冊奏

繳查考敢有將已徵捏作未徵侵欺盜用者許諸人首告巡撫巡按及按察司官察訪鞫問重治造冊官吏叅奏提問戶工二部差去催徵官員卽日回京

一浙江等十三布政司并南北直隸嘉靖元年分內除漕運糧斛四百萬石照舊徵兌起運其餘夏秋稅糧馬草農桑人丁絲絹布疋絲綿花絨屯田皇莊莊田子粒牧馬草場子粒租銀及甲丁二庫蠟茶銅漆銀

硃等料不分存留起運以十分爲率俱免五分以蘇民困

一京通二倉水次倉皇城各門京城九門各馬房倉場各皇莊等處但係正德年間額外多添內臣司禮監照弘治初年例查奏取回

一近年差出取佛買辦織造燒造等項及腹裏地方并各邊各關但係正德年間新添分守守備內臣詔書到日即便回京其各

處分守守備內臣將官有正德元年以後  
寅緣改作鎮守分守及副總兵等項名色  
并分外多管地方加添責任者兵部俱查  
奏改正換給勅書

一自正德年來兩京各衛所容令無籍之徒  
冒籍投充并新添旗軍校尉勇士力士軍  
匠并內府各監局招收軍匠等役辦納官  
錢私役占用不下八九萬餘歲支錢糧百  
萬餘石以致京儲虧耗歲用不繼關係非

輕論法都當拏問追究但既遇赦姑容改正詔書一出但係正德年間冒籍投充并新添及私自頂補額外招收等項人役并有名無人該衛所官按月支糧包辦月錢者卽便各回原衛原籍隨住當差該衛所卽將名伍開除回報戶部具數奏聞敢有捏奏存留設計影射仍前冒支官糧者事發都押發遼東鐵嶺衛永遠充軍該衛所官吏拏問調煙瘴地面安置

一騰驤左等四衛勇士除弘治十八年兵部  
并科道官查出見役正數并事故外其餘  
詭冒名籍未經裁革仍又實緣回衛虛掛  
名額者各照原擬舍餘發原衛民丁發在  
京缺軍衛分各充軍役食糧差操以後勇  
士替補照例開送兵部驗軍官處驗過方  
許收糧

一權勢中鹽侵奪民利并客商中鹽增價轉  
賣俱問罪入官律有明禁近年以來姦商

投托勢要每遇開中盡數包占轉賣取利  
甚至奏開殘鹽減價中支每米一石支鹽  
四引任場買補夾帶私鹽阻滯正課以致  
鹽法大壞邊儲告乏罪雖宥免鹽當追沒  
詔書到日巡鹽御史并各運司官即便查  
訪鹽糧勘合內坐到已支未掣并未派未  
支鹽課但係商人投託勢要詭名占中賣  
窩買窩及河東運司鹽課例該宣府中納  
被勢要奏討買窩別處開中并奏開殘鹽

減價報中者悉照大明律裁革入官不許  
放掣派支敢有將勢要中鹽賣竄實窩情  
由設計隱瞞仍舊冒支官鹽掣賣者許諸  
人首告給賞正犯追完鹽課發邊遠充軍  
干礙勢要奏聞處治巡鹽御史運司官吏  
知情容令掣支各治以罪其見堆皇鹽并  
各處已賣銀兩未賣鹽斤盡數入官各項  
入官鹽課巡鹽御史作急回奏戶部查照  
邊儲急缺去處開中本色糧料以濟急用

皇明詔赦

正德十六年

一在內御馬倉天師庵中府二草場在外壩  
上等十九馬房倉吳家駝裏外牛房司牲  
司司牧局今年合用糧料草束於原會數  
內減去一半坐派以蘇山東河南北直隸  
小民困苦以後年分還着巡視科道官備  
查馬匹牛羊實在數日照數會計以免冒  
濫

一近來抄沒犯人莊田園圃戶部委官從公  
查勘如有倚恃權勢侵奪霸占者審證明

白歸還本主管業若係原有及兩平置買  
價直無虧者照依時價變賣銀兩送太倉  
銀庫交收備邊若地畝數多離京五十里  
之外者行令該管州縣召人佃種照例起  
科

一抄沒犯人玄明宮地土原係軍民住居墳  
墓該給主者該部會同科道官逐一查審  
明白給主管業

一近年各處鎮守協守分守守備等官違例

皇明詔赦

正德十一年

卷之九

奏帶人衆到於地方科歛財物奪占功次所在不才官員因而乘機指一科十貪利成風以致百姓受害深可痛心詔書到日例外奏帶人員即便各回原衛原籍閑住當差違者許撫按并按察司官察訪叅奏舉問官舍旗軍調邊衛差操民發口外爲民書辦省祭等官革職不敘今後敢有仍前奏帶人多及帶軍民職官錦衣衛旗校者該科卽時劾奏究治其鎮守等官中貪

刻顯著壞事有名者各該巡按御史指實具奏取回司禮監從公推舉平素廉靜老成之人奏請更替仍照舊例寫勅不許干預錢糧詞訟侵越諸衙門職掌亦不許假以進貢爲名僉取皂隸科歛銀兩擾害軍民額外進貢一切停止

一漕運官軍僨運糧儲經年累歲不得休息貧苦可憫正德十四年以前京通二倉若有掛欠糧米席皮板木腳價一切赦免其

皇明詔赦

南京并臨德徐淮水次拖欠者不在此例  
一漕運官軍借欠債負利上生利爲害百端  
自正德十五年以前借者不拘多寡俱不  
許還以蘇漕運官軍困苦以後再借再放  
者聽漕運都御史巡按巡倉御史查例叅  
奏重處

一各處徵糧養馬地土內有水衝沙壓坍江  
等項負累人戶包養累經具奏者巡撫巡  
按官查勘明白具奏除豁

一各處解納錢糧到京內外管收人員刁蹬需索使用之數多於本物以致上納不敷重復徵解貽累小民該部申明禁約許被害之人指實奏告治以重罪

一南北直隸山東山西陝西湖廣浙江江西等處地方大軍經過及雖無軍兵經過但奉有明文取辦供應軍需等項所司動支官錢糧應付者各該撫按官查勘明白准作正支銷不許復行徵補重困小民

一內府多餘宮人着司禮監逐一查審有親屬者各令的親家屬領回任其婚嫁無親屬者官與婚嫁務令得所

一在京抄沒犯人錢寧等并江西逆賊宸濠等入官財物除金銀并器皿首飾珍寶及違禁之物外其餘紗羅紵絲綾紬布絹鋪蓋衣服靴帽家火器玩等件若貯庫年久不無浥爛損壞可惜着戶部科道各差官二員查盤見數估計鈔貫明白補放文武

衙門官員正德十三十四十五年各上半年折俸之數若有多餘挨年補

一各處無籍姦人遊食術士及無名內使私自淨身人等多有投托王府因而撥置害人甚則貽累宗室詔書到日許令自新各還本務各該撫按官仍要嚴加禁治不許故縱容留以稱朝廷親親之意

一文武官員有因事住俸罰俸回話者悉皆有免

一南京內府各監局軍匠有丁盡戶絕名伍不除冒支月糧者南京戶兵工三部盡行查革

一近年以來內府各監局官員內使增添太多供用浩繁甚非

祖宗舊制司禮監便逐一查選照依弘治以前員數存留供事多餘之數俱以本等職事聽用如遇各王府及南京各監局缺人奏請撥去應用其原係海戶黃緣驟入者仍舊革

充海戶見充海戶者禮部盡數發回原籍  
爲民當差不許在京潛住其原係樂工淨  
身收入內府者亦盡數革退發南京

### 孝陵衛充軍

一私自淨身人多有在京潛住希圖收用着  
錦衣衛緝事衙門巡城御史嚴加訪拏究  
問今後各處軍民敢有私自淨身者本身  
并下手之人處斬全家發煙瘴地面充軍  
兩鄰及歇家不舉首者俱治以罪

一宸濠之變都御史孫燧按察司副使許達  
伏節死義并一時被害不屈之人日久尚  
未褒錄都御史王守仁倡義督兵平定禍  
亂并同事協謀有勞之人亦未及論功行  
賞該部卽便會官議擬奏來定奪

一問刑衙門有抄提在官人口犯該反叛應  
連坐未給配安置者奏聞定奪其有律不  
該載者悉皆放免原沒官房屋田產給還  
住種照舊納糧當差

一正德元年以後在京在外官旗軍舍人等  
但係例外奏帶及稱報效在各邊各處或  
一人數處或一時兩三處報功及併功陞  
授官旗者除原祖職役照舊其餘盡行除  
革該衛所各將革過名數造冊送戶兵二  
部查考敢有受財隱避不革及抗違妄奏  
者俱問發邊衛充軍其諸色人等冒認錦  
衣衛官員戶下舍丁致陞官旗者限三箇  
月以裏許各官旗自首與免本罪冒籍之

人革去職役過限不首該部查出或被入  
告發通行治罪發遣

一正德十二年十月內大同應州功次極爲  
冒濫內有傳陞文職者吏部查奏軍職除  
本邊官軍自斬首級例該陞級外其餘陞  
者不分已未領受兵部查奏裁革

一近年軍職人等在各邊不曾斬有首級巧  
立當先衝鋒等項名色及各處斬首不及  
數該部照例擬賞奉旨陞級世襲者兵部

通行查革

一武職并舍人舍餘旗校納銀等項授職并  
冠帶者獲功止許於實授職役上加陞  
一賜姓人員及見犯罪冒姓者各復本姓在  
京者各照原有本等職役閑住隨住當差  
在外取到留用者不分官職大小各回原  
衛原籍帶俸閑住但因賜姓義子廕陞職  
爵并與做勇士等項食糧名色者兵部盡  
行查革原係在外官員罷閑并原跟犯罪

勢要無名籍惡黨俱不許在京潛住違者  
錦衣衛巡城御史五城兵馬司挨拏遞解  
窩家送問

一在京武職除近選軍政并會保將材外其  
餘有告願調改外衛者該部查勘相應具  
奏改調仍聽撫按官照例考選管事

一軍職病故子孫告襲扣算年月但在十年  
以裏該衛查勘明白保送到部者卽與收  
選免其駁查

一錦衣衛校尉專係直隸人役近年多有奏討投托濫占限用因而令其幹辦私事脅制害人該衛盡行查明取回

一南京年例進鮮馬快船隻舊例每起不過三隻正德元年以來違例撥給比舊加多攬載客貨沿途攬擾本等廩給夫役之外勒要銀兩數多甚爲民害兵部出榜通行禁約今後進鮮船隻務照舊例撥給經過地方不許分外生事勒要折乾銀兩違者

巡按巡河等官指實叅奏不許故縱

一順天保定河間三府各州縣自正德三年  
以來寄養馬匹俱各年齒衰老節次兌軍  
揀退不堪負累小民餒養兵部行文太僕  
寺分管官督同該府州縣管馬官勘實果  
係老馬變賣價銀轉解太僕寺貯庫贖補  
買馬支用

一法司錦衣衛見監罪囚中間或鍛鍊成獄  
或拘泥文案多有枉抑今後問刑務要法

當其情不許深刻所問犯人及在外問成  
解來人犯伸訴冤枉或調別衙門或多官  
會審務要從公推問實情果有冤枉卽與  
辯理不許拘執成案逼勒招認符合前問  
官吏致令枉抑無伸違者罪之

一凡問囚犯今後一依大明律科斷不許深  
文妄引叅語濫及無辜其有奉旨推問者  
必須經由大理寺審錄毋得徑自叅奏致  
有枉人近年條例增添太繁除弘治十三

年三月初二日以前曾經多官奉詔會議  
奏准通行條例照舊遵行外以後新增者  
悉皆革去

一江西并各處地方先因宸濠反逆事敗及  
因人告報謀反妖言等項事情一時追捕  
餘黨急於撲滅不暇審辯未免有跡涉疑  
似被誣逮繫者經該問刑衙門務要嚴加  
詳審果係誣枉卽與釋放若係逼勒順從  
者問擬明白奏請定奪毋得冤抑淹禁

一內外各衙門見監死罪重囚犯在赦前罪不該宥內有情可矜疑曾經奏請未得饒死及毆傷人延至辜限外身死照例仍擬死罪者詔書到日覆審事實俱免死發邊衛永遠充軍若有辯問罪不至死者卽行查照發落

一見監與宸濠謀反事情有干正德十四年就陣擒獲及續拏人犯三法司錦衣衛先行會問明白其真正共謀逆賊并臨時脅

從及先年交通不曾與謀者各依律議擬  
應得罪名再會多官覆審相同具奏定奪  
毋致輕縱冤枉

一各處盜賊多因饑寒困苦流離失業脅從  
逼迫嘯聚爲非詔書到日各該官司通行  
出榜曉諭許其自首免罪軍還原伍民還  
原籍各存恤一年免其差徭其有能擒捕  
首惡并黨類報官者照例陞賞仍量給犯  
人財產

一官吏軍民人等自正德九年正月二十八日以後至正德十六年四月二十二日以前有爲事問發充軍遷發爲民者除原係真犯死罪僥死及事干謀反逆叛姦黨失機強盜撥置侵盜係官錢糧指稱打點誑騙者不赦外其餘悉皆放回原衛原籍寧家隨住若有赦前逃回不首原係真犯死罪僥死充軍例該照依原擬處決并原係雜犯死罪以下充軍例該枷號改發極邊

衛分者免其處決枷號改發仍各發原充  
衛所着役其遷發爲民者免其問罪仍發  
原編配所

一 內外各衛門囚犯該追贓物係還官給主  
銀貨至五十兩以上并入官至一百兩以  
上監追一年之外及正犯身死拘禁家屬  
各勘無家產堪以變賣賠納者開具所犯  
情罪奏請定奪其不及前數監追半年之  
外及正犯身死各勘無家產并例該追罰

馬牛等項悉與宥免查照發落若係埋葬銀正犯見在者仍依律追給

一內外各衙門有問完官吏軍民人等罪犯已經奏請未曾奉旨發落應該宥免者卽行查照發落其有監候行勘未報人犯罪該宥免者并正犯在逃監禁家屬證佐不係事干謀反逆叛劇賊者悉令保候歸結

一近年節次奏開生員納銀入監事例積累數千餘人大壞選法今後再不許奏開違

者吏部該科卽時奏劾寃治已開未納者  
卽便停止至於額設吏役亦須得人近年  
納銀收充阻塞正途之人致令歇役輩退  
雖有考選事例繁復不一吏部便查會典  
開載選撥吏役舊例申明遵守行令各布  
政司直隸府州凡遇缺吏從公考選徑自  
收叅納銀人役務令習學字書通曉文移  
方許收叅若願告改撥衛所事簡衙門者  
聽俱開報巡按御史查照訪察內有選撥

不公或被人告發或按問得實依律究治  
一各營書辦人員除大營額設員數外其餘  
資緣額外添設者并各夷方遠年不用小  
通事冒濫保補者通行查革

一工部供應內府各監局內官內使人等年  
例柴薪靴料皮張冬衣鋪陳紵絲綾綢紗  
羅等項近年以來增添數倍該部往往借  
貸別項官錢轉用動經數萬累及官民終  
非經久之計着司禮監會同該部查照永

樂至天順年間人員數目關給則例通融處置除見有本色物件外不敷之數將近  
年抄沒犯人贓物銀兩兩平估折相兼俵  
散准作正德十五十六年年例之數少寬  
民力

一兩京各監局等衙門近年額外增添器物  
如龍船戰車神像店房等項數多管事人  
員乘機作弊將物料工作任情冒派侵尅  
害民今後除舊額器物房屋應修理成造

者俱照會典所載舊定數目從實會計除  
本衙門并各庫會有外會無者量爲從省  
派辦不許隱匿冒濫改舊添新并招買那  
借貽害小民違者治罪

一內府禁密之地不許葢造離宮別殿載在  
祖訓萬世當遵近年以來節被左右近倖之人獻諂  
希恩在內添葢新宅佛寺神廟總督府神  
武營香房酒店之類在外添葢鎮國府總  
督府老兒院玄明宮教坊司新宅石經山

祠廟店房等項便着內官監工部錦衣衛  
科道官逐一查勘但有不係舊者或拆  
毀改正或存留別用或變賣還官官匠人  
等有因蓋造陞官者亦就查革改正在外  
者聽撫按官一體查勘改正變賣還官不  
許隱匿

一近年南京駕到各樣船隻數多俱在通州  
張家灣停泊勞人看守日久損壞無用着  
內官監工部便去會看除年例黃船照舊

存留聽候外其餘烏龍船發送南京兵部  
改作擺江船黃船發送南京工部照舊看  
守聽差黑樓等船發送杭州府等處聽候  
進鮮進龍衣等項公用免派民間修造其  
餘魚船等項變賣價銀收貯監部以備修  
造正支

一荊州杭州蕪湖三處抽分廠專爲打造糧  
船成造供應器皿而設以省科派小民之  
計近來兩京各監局相沿具奏差人赴蕪

湖廠支取杉楠等木數多又有內官監差  
官中半抽分二年有餘致將造船銀料不  
敷支給累及運軍出利揭債缺船運糧耽  
誤國計今後南京各監局合用竹木聽於  
本處龍江瓦屑等抽分廠支取在京各監  
局合用竹木聽於內官監神木廠拜真定  
盧溝橋等抽分廠支取其內官監原差抽  
分太監李文等詔書到日卽便回京以後  
不許援例奏差

一 天下司府州縣抽分稅課衙門俱有定額  
近年以來凡橋梁道路關津有利處所私  
自添設無名抽取數多甚爲民害詔書到  
日巡按御史及按察司分巡官通行查革  
有司嚴加禁約不許坐視故縱

一 河防水利小民衣食之源關係最重各有  
專官管理該管官員務要躬親巡歷嚴督  
所屬修築圩岸疏濬溝渠但有權豪刁潑  
之家修建池亭設立碾磨阻壞水利坑陷

錢糧者並聽自首拆毀改正與免本罪若有抗拒官府執迷不首者許鄰佑之人告舉寃治所在官司容情故縱者事發一體治罪

一易州山廠柴炭今後悉遵先年舊額派納惜薪司近年新添加耗之數俱改正照舊其有攬頭指稱打點多勒價銀許被害之人首告管廠侍郎痛加改革不許仍踵前弊如違治以重罪

一自正德年來劉瑾錢寧江彬相繼擅權在京在外各該衙門弊政多端詔書該載不盡者許逐一自行議奏裁革

一近來冒濫玉帶蟒龍斗牛飛魚服色數多除五府九卿堂上官外其餘庶官雜流并各處將領頭目諸色人等但係貢緣奏乞傳賜者俱不許穿用內府各監局官員司禮監查奏裁革武職卑官僭用公侯服色花樣者一體禁約

一浣衣局近年抄沒婦女法司逐一弔查原卷詳究事由情可矜宥者具奏釋放

一錦衣衛旗校人等除弘治年間編軍冊內見在數目外其餘詭名頂補僉補在逃故絕等項人役冒濫食糧者戶兵二部各選差屬官會同科道及本衛公正官查議裁革

一豹房各處積年收貯并近年抄沒犯人銀兩司禮監查記明白數內運送數百萬兩

於太倉銀庫收貯以備折放官軍俸糧等  
項支用

一正德元年以後各衙門官軍旗校人等緝  
捕妖言姦細并不係臨陣對敵強賊一應  
陞授職役者通行查革以後各該衙門照  
舊年終類奏兵部查議陞賞

一正德元年以來傳陞乞陞法王佛子國師  
禪師等項禮部盡行查革各牢固枷釘押  
發兩廣煙瘴地面衛分充軍遇赦不宥近

日奏討葬祭一切停革其中有出入內府  
住坐新寺誘引蠱惑罪惡顯著見在京者  
禮部通查明白錦衣衛還挈送法司問擬  
罪名奏請定奪

一先在軍門辦事指揮張璽張倫及掌案寫  
字等項人員宮勲趙貞殷大安王縞王縝  
陳貴龐璽晁用鄭曦賈銘高濂朱鳳翔管  
皇店千戶趙謹姚俊俱倚勢生事蠹政害  
人內外軍民怨入骨髓本都當處死姑從

寬各連當房家小押發兩廣煙瘴衛分永  
遠充軍其餘跟隨辦事管店助惡有名小  
班答應旗校人等錦衣衛還拿送法司究  
問中間罪惡顯著者一體押發兩廣煙瘴  
衛分永遠充軍家小隨住俱遇赦不宥  
一回夷寫亦虎仙交通土魯番與兵構亂攪  
擾地方以致哈密累世受害罪惡深重曾  
經科道鎮巡官勘問明白旣而實緣脫免  
錦衣衛還拏送法司查照原擬開奏定奪

一回回人于永出入豹房誘引蠱惑情罪深  
重錦衣衛挈送都察院追問明白議擬罪  
名奏請處治

一今後照依舊例給事中有缺於進士內考  
選奏補御史有缺進士與行取人員相兼  
考選除授

一朝廷政事得失天下軍民利病許諸人直  
言無隱

一已上興革政令詔書到日有司即便奉行

如有延緩者許巡按御史按察司訪察究問俱以違制論

嗚呼君人之道在昭德以塞違繼世之規惟更化而善治特頒渙號用慰輿情弘施大賚之恩永錫太平之福四方臣庶咸使聞知

正德十六年四月二十二日

奉

天承運

皇帝詔曰自古人君功德施於當時咸有顯號隆名  
以祔於廟饗傳諸萬世我朝

列聖相承率由茲典有不可易者恭惟

皇兄大行皇帝以

英武之資

剛健之德嗣登

寶祚十有七年於茲矣

皇明詔赦

正德十二年

三十一

下

任賢圖政

節財阜民克詰戎兵屢平僭亂

淵慮弗遑於寢食

皇威昭布於邇遐真有安不忘危持盈保成之志用  
是宇內咸乂邊陲晏然治理之興方有望於今  
日夫何不幸

龍馭上賓天下臣民攀號莫逮顧于涼薄聲績

鴻基允惟

付託之艱方深在疚之慟追慕

遺烈率遵

舊章謹命在廷文武羣臣叅稽禮文議薦諡號博采衆論協於至公乃於今年五月初八日祇告

天地

宗廟

社稷奉

冊寶恭上

大行皇帝尊諡曰

承天達道英肅睿哲昭德顯功宏文思孝毅皇帝

皇明詔赦

廟號

武宗嗚呼

盛德法乎乾剛實揄揚之莫罄

徽稱薦夫殷禮尚昭顯於無窮布告萬方咸宜知悉

正德十六年五月十一日

奉

天承運

皇帝詔曰自古帝王以孝治天下尊親之禮其來遠矣仰惟

聖母慈壽皇太后敬相

皇考孝宗皇帝訓育

皇兄武宗皇帝含弘光大蔚有顯聞

皇兄奄棄臣民之日中外岌岌賴我

聖母上念

皇清詩苑  
宗社大計擁翊冲人入繼

大統及剪除兇逆潛消禍變呼吸之際安定家邦

功德並隆揄揚莫既不舉尊崇之典曷伸孝敬之

誠

皇嫂皇后巽順含章安貞應地克儷

宸極表正宮闈母儀有年名稱宜異重念

聖祖母貴妃聖善慈仁靜專明哲事我

憲祖贊理內庭燕祿兆祥澤隆佑啓

本生父興獻王聰明天授仁孝夙成河間好禮東平

樂善餘慶流行垂裕後人

本生母興獻王妃莊敬持身儉勤治內婉德姪姒遠  
嗣徽音誕育眇躬丕承

前烈雖傳序之統義有所專而天性之恩自不容已  
用是遠稽載籍博采公言率籲文武羣臣謹奉  
冊寶上

聖母尊號曰

昭聖慈壽皇太后

皇嫂曰

皇明詔類

莊肅皇后又奉

聖母懿旨上

聖母尊號曰

壽安皇太后

本生父母曰

興獻帝

興國太后大禮既舉洪恩誕敷所有合行事宜條列

於後

一宗室有年七十以上者各賜米一十石絹

十疋凡一應禮儀有衰病不能自行者子爲代行以示優老之意

一宗室爲庶人者各賜米八石絹八疋其子女人賜米五石布五疋年及婚配者所司具名以聞照例選婚量助嫁娶之資俱令有司辦給

一鳳陽高牆庶人還查原犯情罪輕重來看一軍民之家有年七十以上者許一丁侍養免其雜泛差役八十以上者仍給與絹一

正綿一斤米一石肉十斤九十以上者倍  
之其男子八十以上有爲鄉里所敬服者  
加與冠帶以榮其身

一軍民之家有五世同居共爨不分異者有  
司具實奏聞照例旌表詔書到日先給羊  
酒獎勸

一孝子順孫義夫節婦有司具實奏聞照例  
旌表其已旌表年及六十者男子冠帶榮  
身婦人照八十以上例給賜絹綿肉米

一各處帝王陵寢名臣賢士墳墓有被人毀  
發者所在官司卽時修理如舊令附近民  
人一丁看護免其雜泛差役其餘墳墓但  
有露棺暴骨者悉與掩埋

一近年各處盜起有貞烈女婦被賊殘害志  
節不屈行蹟顯著者撫按官查勘是實明  
白具奏俱與旌表門閭

一各處用兵地方軍民職官有沒于戰陣者  
撫按官查勘明白具奏定奪軍民死于鋒

鏹及凍餒死亡無人收埋者所在官司俱與掩埋毋致暴露

一弘治十八年以後內外大小官員死忠者及正德十四年文武官員人等因諫止巡遊已經各衙門奏請追贈廕敘者其父母妻室不拘存沒俱得受封贈親老寡妻無人侍養者有司量加優恤

一文職致仕一品未受恩典者有司月給食米二石歲撥人夫二名應用二品以上年

及八十者備綵幣羊酒問勞九十以上者  
具實奏來遣使存問五品以上以禮致仕  
年七十以上者進散官一階其中廉貧不  
能自存衆所共知者每歲仍給米四石以  
資養贍不許徇情濫給

一兩京文職官員未及三年考滿者俱與應  
得誥敕若父母見存先已受封其子官職  
遷轉者服色許與子同後不爲例其曾經  
奏准給與誥敕未曾關領因事降調非貪

淫酷刑者給與原給誥敕

一武職應得誥敕已經請給年遠未曾撰黃  
膳黃官上緊查撰兵部奏請關軸書寫給  
散

一各王府官有年老願致仕者進散官一級  
其歷俸三年以上父母見存該授封者給  
敕封不爲例

一軍官老疾不能任事告替職者准令兒男  
赴部替職免其自來

一弘治十八年以前軍職有紀功核實曾經查革者兵部還查奏定奪

一軍職先年降調兩廣等處病故子孫爲因路遠不能承襲許令原衛承襲帶俸差操將軍年及五十歲侍衛二十年以上者不拘在役退閑俱與冠帶以榮終身

一吏部給由等項聽選官取選未到願告致仕者俱陞職一級致仕監生不願出仕者已有授職事例今後還填註衙門給與散

官吏員冠帶聽選願告回家不出仕者照  
依資格填授衙門職名閑住在原籍者俱  
各赴該司府衙門告勘給授仍類冊奏繳  
部以憑查考

一內外衛所軍士月糧多被該管官旗假以  
公用爲名扣除尅減不得全支老幼無所  
養贍在外沿邊收糧官攢人等通同勢要  
親屬包攬插和沙土糠粃虛出通關致令  
倉庫空虛支給不時軍士困苦令所在風

憲官員訪察舉問追究治以重罪

一各處府州縣預備倉糧賑濟饑荒有例見行官吏人等奉行不至多無實效今後務要設法措置驗時豐兇歛散年終收除實在數目開奏有能多積至數萬石以上者量加旌擢巡按守巡官時常往來督理

一各處僧道有父母見存無人侍養不問有無度牒願還俗養親者聽

一在京在外有鰥寡孤獨廢疾不能生業者

皇明詔赦

嘉靖元年

三十一

六十一

卽便收入養濟院照例給與衣糧毋令失  
所已收養者人各賜米三斗其各州縣貧  
難戶丁例該優免者不許一槩編當差役  
一詔書內各項恩典軍衛有司務在着實舉  
行不許虛應故事

嗚呼愛由親始廣孝必因乎心恩以序推爲治  
可運於掌詔誥天下咸使聞知

嘉靖元年三月十五日

奉

天承運

皇帝詔曰君理外治后理內治天下之大義也自古  
聖帝明王彛章具載朕繼承大統夙夜孜孜敷  
求賢哲共圖治理近者

聖母昭聖慈壽皇太后念內治之重特諭所司簡求  
令淑作配朕躬朕勉遵

慈命乃敢詔告

天地

皇明詔赦

嘉靖元年九月二十八日冊立陳氏爲皇后

宗廟於嘉靖元年九月二十八日冊立陳氏爲皇后  
正位中宮以共承宗祀奉養

四宮用衍本支萬萬年之慶布告中內咸使聞知

嘉靖元年十月初一日

奉

天承運

皇帝詔曰朕恭膺

天命嗣承

皇兄武宗毅皇帝大統祗奉

宗祀惟我

皇考孝宗敬皇帝神謨聖政是繼是行夙夜孜孜圖

惟化理以治本於孝故雖天子必有所尊仰惟

聖母昭聖慈壽皇太后擁翊之功至大莫罄名言

皇明詔赦

本生父母

興獻帝

興國太后鞠育之恩至深罔殫報稱

尊稱未極恒用歉然爰稽舊章祇告于

郊廟

社稷率文武羣臣恭奉

冊寶加上

聖母尊號曰

昭聖康惠慈壽皇太后

興獻帝尊號曰

本生皇考恭穆獻皇帝

興國太后尊號曰

本生聖母章聖皇太后義專隆於

正統禮兼盡夫至情旣舉緝儀肆彰大慶合行推恩

事宜條列於後

一宗室有年七十以上者各賜米十石絹十

疋凡一應禮儀有衰病不能自行者子爲

代行以示優老之意

一各處王府應得祿米有缺少者各該巡撫都御史督率所屬查催完納

一各處郡王將軍子女有應請名請封選婚者本府卽與保勘奏請承奉長史等官如有刁蹬延捱致令子女年過二十以外猶未成婚者撫按官查舉治罪

一各處郡王將軍中尉有因事革減祿米者除毆殺人命敗倫傷化外其餘自詔書到日爲始俱照舊支給儀賓有因成婚年遠

不會赴京謝恩叅奏者悉皆宥免

一軍民之家有年七十以上者許一丁侍養  
免其雜泛差役八十以上者仍給與絹一  
疋綿一斤米一石肉十斤九十以上者倍  
之其男子八十以上有爲鄉里所敬服者  
加與冠帶以榮其身

一孝子順孫義夫節婦有司開具實跡奏聞  
以憑旌表不許里書人等勒指刁難致令  
展轉無由上達若守節年久果有貞烈實

跡例應旌表而身故者一體奏聞舉行其以旌表年及六十者孝子冠帶榮身節婦照八十以上例給賜絹綿米肉

一軍民之家有五世同居共爨不分異者有司具實奏聞照例旌表詔書到日先給羊酒獎勵

一兩京文武官員七品以上未關誥敕者若父母見在先與誥敕封之不爲常例

一軍職先年降調兩廣等處病故者子孫爲

因路遠不能承襲許令原衛承襲帶俸差操

一內外官員有父母在家願分俸助養者准令分俸於原籍關支

一軍官老疾不能任事告替職者准令兒男赴部替職免其自來

一在京各衛帶俸官有願出外衛者許自陳照例註與相應地方衛所管事差操

一各處小民有因衣食不給流移他鄉者詔

書到日各還本土有司務要加意撫卹俾  
遂生業仍免糧差一年違者許巡撫巡按  
官究治

一朝廷憫念小民凡事減省今後不差人出  
外買辦採辦物件有司不許仍前指以均  
徭公用爲名科歛銀兩及因小故罰取財  
物因而尅落人已其司府州縣官員亦不  
許額外多僉皂隸侵漁小民但有違者許  
巡撫巡按官體訪叅奏治以重罪

一各邊軍士比之腹裏勞苦尤甚爲鎮守總兵等官者不肯撫卹反行尅害有財者占納月錢有力者役使耕種其不役占者不免重差軍士受害如此豈有銳氣禦寇今後該管內外官員務要改過自新不許仍前役占

一監生有衰老不願出仕者但係聽選之數俱照例量授職銜吏員冠帶聽選願告不仕者照資格授與職銜其在原籍者許各

赴司府衙門陳告類冊繳部一體給授

一各處軍民人等有因刁潑害人曾經問發充軍爲民遇例放回者該管官司時加省諭務令改過自新若仍蹈前非起滅詞訟誣害善良挾制官府事發枷號三箇月仍照例問發邊遠

一在外文職官員有親老告回侍養者親終之日仍許赴部聽用

一各王府官有年老願致仕者進散官一階

其歷俸三年以上父母見存該受封者給與誥勅封之不爲例

一將軍年及五十歲侍衛二十年以上者不拘在役退閒俱與冠帶以榮其身

一在京在外文武官員有因事罰俸住俸者詔書到日照舊關支

一內外衛所軍士月糧多被該管官旗假以公用爲名扣除尅減以致軍士不得全支及在外沿邊收糧官攢人等通同勢要親

屬包攬插和沙土糠粃虛出通關致令倉廩空虛所在風憲官訪察拏問追究治以重罪

一各處衛所官軍月糧有經年累月不得關支者撫按官督率司府等官量爲處給以甦民困

一內外衙門見問囚犯除死罪并已發落外其餘犯該徒流笞杖及枷號者詔書到日悉宥其罪官吏監生生員承差知印陰陽

醫生校尉行止有虧敗倫傷化例該充軍  
爲民等項仍照例發落照提未到者公罪  
住提其餘仍提問擬明白俱照前例發落  
奉旨勘問者奏請定奪

一兩京法司及在外問刑衙門近年以來軍  
民詞訟不行卽時問理又聽犯人展轉攀  
扯以致淹禁日久因而瘦死者往往有之  
冤抑不伸致傷和氣今後務要上緊問結  
毋致枉濫

一各處有等主文書算快手皂隸總甲門禁  
庫子人等久戀衙門說事過錢把持官府  
起滅詞訟灑派稅糧賣放強盜誣執平民  
陷害良善者巡撫巡按布按二司官訪察  
挈問發邊遠充軍

一天下祀典神祇所以保庇生民有司務在  
誠敬奉祀壇廟損壞隨卽修理毋致褻瀆  
廢弛

一各處盜賊多因饑寒困苦流離失業脅從

逼迫嘯聚爲非詔書到日各該有司通行  
出榜曉諭許其自首免罪軍還原伍民還  
原籍各存恤一年免其差徭其夥內有能  
擒捕首惡并黨類報官者一體照例陞賞  
仍量給犯人財產

一在京在外有孤老殘疾不能生業者卽便  
收入養濟院照例給與衣糧已收者人賜  
米三斗

一詔書內各項恩恤事宜軍衛有司務在着

實舉行不許虛應故事

於戲愛敬始於家邦致一人之達孝仁恩徧於  
海宇得萬國之歡心布告臣民俾咸知悉

嘉靖三年四月十九日

奉

天承運

皇帝詔曰人君爲治必本於孝道聖人論政必先於正名孝在篤於親而名貴循其實自古及今未有外是而能化成天下者也朕本

憲宗純皇帝之孫

孝宗敬皇帝之姪

恭穆獻皇帝之子逮

皇兄武宗毅皇帝上賓之日仰遵

聖祖兄終弟及之訓屬以倫序當立

遺詔命朕嗣皇帝位

昭聖康惠慈壽皇太后乃以懿旨遣官迎朕入繼大  
統朕受

天明命位於臣民之上者於茲已三年矣尊稱大禮  
屢命廷臣集議輒引漢定陶共皇宋濮安懿王  
二事爲據至再至三而其論未定朕心靡寧蓋  
伯姪父子乃天經地義豈人所能爲乎况漢宋  
二帝在衣裳垂御之日嘗爲立子而朕則宮車

晏駕之後入奉

宗祧實與爲人後者不同今以爲繼嗣亦非我

聖祖垂訓初意是豈徒禮官之失而亦朕冲年未能  
決擇之咎也朕祇承

九廟尊養

三宮正統大義未嘗有間惕然此心夙夜不忘惟

恭穆獻皇帝

章聖皇太后朕之父母也劬勞之恩昊天罔極雖位  
號已隆而名稱未正因心之孝每用歉然謹已

告於

天地

宗廟

社稷稱

孝宗敬皇帝曰

皇伯考

昭聖皇太后曰

皇伯母

恭穆獻皇帝曰

皇考

章聖皇太后曰

聖母各正厥名揆之天敘人倫情旣允稱而禮亦無悖焉猶慮天下臣民未能知悉特茲詔諭以申朕拳拳孝親之誠夫孝立則篤近舉遠而家邦四海咸聞于至仁名正則言順事成而禮樂刑罰各臻於至理朕蓋庶幾於古帝王之盛也顧惟昔者孝未遂於尊親事多拂於天性君臣之際未免少乖舉措之間或多違戾今彝倫攸敘

大禮告成朕方欲同心以和典禮之衷敬事以  
建臣民之極爾內外諸司百僚務宜體朕之意  
有官守者修其職有言責者盡其忠凡舊章未  
復弊政未除人才未用民生未安邊備未飭軍  
儲未充一切有裨於政理利於軍民者其一一  
條具聞奏朕將舉而行之期於得萬國之歡心  
致天人之佑助以成至治以全大孝則朕之志  
於是乎可慰矣布告中外咸使聞知

嘉靖三年九月十五日

奉

天承運

皇帝詔曰朕惟人君奉

天明命統御萬方作人君長朕以菲薄之資起自宗

藩入繼

祖宗大統夙夜孜孜罔敢自豫惟敬

天法

祖親賢圖治以福斯民然必賴左右輔導文武羣工  
協心贊助以匡不逮夫自卽位以來災變頻仍

而去歲之災尤大且異豈非政化未臻民心積怨上干

天和朕深用驚懼寢食靡寧寃其咎本實予一人所致而内外文武百官亦不無責輔導之臣不能盡誠贊襄部院之官不能協力任事居言路者言非忠讜職宣化者澤不下流弊政多端欺上虐下民心怨咨無所控訴朕深居九重四方民隱無由盡知特令部院科道各陳所當興革事宜開具上請朕與輔臣采其切實可行者行之

凡爾文武官員當痛加省戒深體朕畏

天恤民之意各盡乃職各修乃事爲上爲德勉效忠誠爲下爲民加意撫恤務期道洽政治民心忻悅上回

天意導迎休祥陰陽調和民物康乂以成熙皞之治勿得視爲虛文欽哉戒哉所有寬恤事宜條列于後

一凡兩京并在外文武官員均有分理天工之責內則五府六部都察院等衙門外則

都布按三司至於府州縣守令并衛所官  
居文職者務盡匡弼寅亮之誠任武職者  
必思禦侮折衝之略舉用才能懲戒貪汙  
務合公論掌錢穀者足國裕民培植邦本  
典邦禮者和神人明風化司邦政者選將  
卒安邊鎮理刑者務刑罰平允司工者務  
營造及時管軍官當愛如已子牧民官當  
視如已傷宣布德澤勿壅遏而不下流出  
納命令勿蒙蔽而不上達一洗昔日之非

勉效方新之政以贊朕一人上承

天命下保民生倘若苟且玩慢稔過不悛因事有犯  
決罪不宥

一天下諸色軍民人等各要孝親敬兄教子  
睦族勤謹生理惇重人倫勿作非爲干犯  
有司勿以衆強欺虐良善勿得暴殄天物  
淫近非神勿得聽信虛誕自廢人事當遵  
朕言人人奉守庶幾身不遭刑家不貽禍  
上光祖考下保子孫世世爲國良民豈不

三  
美哉

一內外問刑衙門見問囚犯該徒流笞杖及枷號者悉宥其罪官吏監生生員承差知印陰陽醫生校尉行止有虧敗倫傷化及軍民人等有犯各例該帶俸調衛爲民充軍等項仍照例發落其未到官者仍提問擬明白俱照前例發落原奉旨勘問者奏請定奪

一各處實徵戶部稅糧馬草農桑人丁絲絹

布疋絲綿花絨屯田子粒及甲丁二庫臘  
茶銅漆銀硃鹽課戶口食鹽等項一應納  
官錢糧拖欠正德十六年四月二十二日  
奉詔蠲免者撫按官委官清查不許重徵  
正德十六年以後嘉靖三年以前一應未  
完并帶徵等項錢糧但係小民拖欠者盡  
行蠲免已徵或被人侵欺者仍舊監追准  
照原價折納其監至十年以上家產盡絕  
者具奏定奪正犯身死無業抵補者卽與

除豁若有將已免者重徵已徵捏作未徵及家產未盡朦朧除豁者許諸人首告從重究問

一在外軍衛有司受理詞訟止照律例歸結不許輒令供許遠年無干事情因而濫罰銀錢紙劄其應該贖罪紙穀仍發倉備賑仍置立循環簿登記明白以備查考有仍前濫罰者查訪得出或被入首告照例起送問發

一京通二倉糧運掛籌例該追賠有經年比併淹禁不得完結者自嘉靖五年以前每石并蘆蓆等項量准折銀類解太倉以備官軍俸糧後不爲例

一宛大二縣各行舖戶先年編有牌甲冊籍今後遇有內外各衙門一應供用買辦物料等項順天府查照原冊挨名派撥納完之日卽行給價不許縱容報頭人等指稱科歛虐害小民違者許被害之人指實陳

告照例枷號問擬發落

一各該問刑衙門有計賊擬罪犯徒流人犯所  
追贓不及一兩監追三月以上者及紙穀  
未完監追一月以上者悉皆宥免各照原  
擬發落

一德州常盈庫收納山東河南各布政司解  
到花絨每年給散真定等一十八衛官軍  
爲因地方隔遠委官關領其弊多端今後  
本部會派之時查照每衛該領布花若干

就令各大戶運赴各該衛分附郭州縣上納以便給散

一各處起運京庫戶口鹽鈔今後每鈔一貫折銀一釐一毫四絲三忽每錢七文折銀一分計鈔一塊共折銀四兩大戶不得分外科歛侵欺入已

一兩京法司及在外問刑衙門受理詞訟不許聽犯人展轉攀指以致淹禁枉濫及酷刑拷打致傷人命有故違者在京許科道

官在外聽撫按官訪拏查照律例從重問擬發落

一強盜人命等項死罪重囚有曾經法司及巡撫巡按審錄等官奏請矜疑并人命辜限外身死未得寬免及行再問者覆審是實俱免死發邊衛永遠充軍篤疾犯該死罪見監者悉從宥免其強盜追無贓仗年久不得結正及人命無屍檢驗累訴冤枉者各具實奏請定奪

一各處軍衛有司管解逃軍軍丁赴衛違限  
一年之上解人例發附近充軍軍丁發邊  
衛充軍者俱從宥免解人發回原籍逃軍  
軍丁發回原衛着役

一各處撫按等官遇屬官不職事發先拘緊  
關干證人犯從公審勘供招明白然後指  
實叅挈如事涉風聞未得詳實者毋輒叅  
奏其所屬官亦不許擅行奏辯

一各處災傷地方清軍御史暫且取回待後

另行奏差

一內外問刑衙門今後問擬囚犯罪名律有正條者俱合依律擬斷無正條者方許引例發落亦不許妄加叅語濫及無辜

一內外勢要之家不許霸占關廂場集橋梁渡口煤窖陂塘及開張店鋪販賣鈔貫勒索牙保出店過路水面窖口籌錢等項侵害小民違者許巡城巡按并該管地方官員叅奏究治

一凡奏訴枉問罪犯者俱各行調隔別衙門  
從實審勘務在平允毋得仍行原問官司  
以致冤抑不申

一問刑衙門有因正犯在逃累及家屬監久  
者宜從保放正犯情罪深重者仍挨掣完  
結

一易州山廠府州縣佐貳官管運柴炭被攬  
頭誣攬侵費多致不完有正身已故又復  
拘繫家屬連年責併不得回還情甚可憫

皇明詔赦

嘉靖十六年

五十九

二十六

着備查各官若原無侵分情弊係攬頭花  
費者俱於攬頭名下追賠故官家屬給文  
釋放

一順天府論地養馬近年以來地多歸于勢  
豪之家其馬仍令本戶餵養瘦損倒失責  
令追賠甚爲貧民之累應天府所屬論丁  
養馬近因備解駒馬每年止解備用馬價  
所養種馬或有倒失仍復責令買補民亦  
不堪着兵部通行議處以蘇民困

一衛所屯糧多以管屯官貪汙關茸或侵收入已或追徵不時以致累年不完軍士月糧欠缺數多着撫按官嚴督管屯副使僉事等官巡歷催併坐委附近府州縣能幹佐貳官公同各管屯官及時追徵如次年三月不完各衛所管屯官聽管屯副使僉事叅提問罪五月以後不完撫按將按察司管屯官一體叅究

一農衣食所自出今天下百姓不肯勤力田

畝者實多江南等處各該撫按官宜通行所屬府州縣原設有治農官處不許營幹別差責令着實修舉本等職業專一循行田畝勸課農種原無官處定委佐貳見任官一員帶管果有實效聽具奏旌擢如或因循廢職作罷軟官罷黜

一各處俱設有養濟院但有司不能用心稽考衣糧柴薪不得以時關給今後撫按上司督責有司務將境內鰥寡篤廢之人照

例收養應得柴米不許缺少在京雖有養濟院止是收養宛大二縣孤老其各處流來男婦篤廢殘疾者多無所歸啼饑號寒坐以待斃感傷和氣莫甚於此工部量出官錢於五城地方各修蓋養濟院一區盡數收養戶部議處於在官倉庫每名日給米一升錢二文仍着五城巡視御史提調稽考毋得虛應故事

一各處雖設有預備倉多無積蓄遇有饑荒

無從賑給撫按二司督責有司照依見行  
事例設法多積穀米以備救荒仍依倣古  
人平糴常平之法春間放支以賑貧民秋  
成時月抵斗還官不取其息如見在米穀  
數少各將貯庫官錢并問過贖罪折紙銀  
兩趁秋成之時委的當官員糴買比時估  
量添二三文庶來者輻輳易於收積府以  
一萬石州以四五千石縣以二三千石爲  
率明立簿籍查考一遇凶荒減價糴與窮

民仍禁約奸豪不許隱情捏名多買罔利  
事發重治

一各邊鎮及腹裏地方設有兵備官員專爲  
保障地方防禦賊盜禁革奸弊有等不知  
事體官員本等職業未見修舉往往濫受  
民詞捉人監禁中間多有與巡守官行事  
相背者屬官難以遵承往復呈請淹滯人  
難又有將各州縣民兵涉遠數百里之外  
調集團操妨民生理及有私立大漢等項

名色在官聽候甚非事體所宜撫按官通行查禁今後如有仍蹈前弊不行改正者具實叅究

一下民嗟怨由於賦役不均有司官員受財聽囑或又信憑該吏里書那移作弊以致輕重不均撫按官嚴督有司各要從公編派務令高下均平起運之糧務儘上戶上門拖荒折布金花銀等項專爲輕減上民不許受財聽囑及做人情奉承勢要鄉官

之家如違許人戶具告撫按官追究作賊治罪

一各州縣里甲之設專爲催辦錢糧勾攝公事近因人戶逃亡里無完甲戶在甲首困苦不堪有司官不得人見年里甲本等差役之外責令輪流直日分投供給米麵柴薪油燭菜蔬等項遇有親識往來使客經過任意攤派下程陳設酒席餽送土儀添撥脚力甲首日加負累今後撫按二司等

官務要痛革前弊着實查考犯者挈問罷黜若二司官員容縱不舉撫按就做罷軟官開報

一朝廷遇有災傷輒行蠲免但各該官司奏報稽遲及行覆勘文移往來耽延月日覆勘未報一面徵收及至蠲免文書到日良善小民懼怕刑責多已典賣折騰運送到倉徒遂糧里侵漁之計今後遇有重大災傷勘定分數即便出給告示曉諭人民知

悉姑停徵待明文至日施行庶愚民不爲姦人所欺

一太常寺光祿寺厨役有逃亡者先年該寺奏准要將在冊餘丁揀選補役免行原籍勾擾最爲兩便後又中止仍行原籍勾丁騷擾鄉良民津貼盤費小民憚爲應役未久卽逃有損無益禮部查原奏事理將逃故厨役冊內果有壯丁堪以替補者准令收役免行原籍勾丁若餘丁數少不敷照

舊清解

一各處水衝沙壓坍江坍海地土節有事例除豁但所司多不奉行又或信憑下人作弊將有錢有力加倍開除無財力者不與分豁且所開地土稅糧不免攤派人戶包賠年久數多不無靠累今後凡告前項衝壓坍沒田地撫按務委廉幹官員親詣查勘明白方與除豁所遺稅糧各照本地方見行事例改派折減輕則上納庶不重累

## 小民

一近年在外衙門多有添設官員其間奉公守法者固有其不才者非惟無益而反害吏部通行各處撫按官查近年添設官員果係緊要職務不可缺人方許存留但無益冗員具奏裁革

一各處民壯有先年額設者有近年添設者本爲防姦禦侮今承平無事大半供有司私役及做人情送人使用又有豪猾之徒

承批下鄉騷擾良民勢如狼虎撫按官通行各府州縣查照原設之數應減省者量爲減省其存留者分爲上下兩班一班務農一班在官操練武藝委佐貳官一員管領提調俱不許承批下鄉及私家使用若有重大賊情方許通調操候事寧仍舊輪放違者罪之

一朝廷設立登聞鼓使匹夫匹婦凡有屈抑皆得自盡以防壅蔽近來司鼓官多不肯

接受軍民冤抑無所控訴以致擅入闕下  
懷狀自刎者有之今後俱照舊例凡擊鼓  
者不許拒阻

一近京地方差徭浩繁人民十分負累如糧  
草養馬里甲驛傳等項皆照地起科量戶  
審編乃是常額近年以來常額之外每畝  
復徵銀兩有白地錢買地錢甚至無地之  
家亦派出錢民何以堪戶部行巡撫官通  
行查明除常賦外其新添白地買地等項

銀兩應停革者卽便停革以甦民困

一錢糧徵收律限具載收成之後小民麥穀  
在家官司嚴限徵收易爲辦納近來有司  
玩慢夏稅延至七八月秋糧延至冬深春  
初方纔開倉小民將所收糧米費用已盡  
雖嚴刑追逼不能完納今後務照律限開  
倉徵收有延緩過期以致民難輸納上司  
提問治罪甚至作罷軟官罷黜若司府官  
不早會計實徵文冊下遲以致過期不得

開倉者責在上官

一各州縣書手之設初爲書寫文冊磨算錢糧其久慣應當者事體既熟作弊得慣往往受奸人賄賂將本戶稅糧飛走灑派於別戶內名下藏躲影射弊端不一不才貪官其或與之交通營利小民虛陪糧米致累家產今後撫按及二司官務要嚴加禁治敢有仍前違犯許諸人指實首告問發邊衛永遠充軍得過贓銀儘其財產追完

入官給主官司容縱不舉作罷軟官黜退  
有賊者以賊論

一京城內外人戶爲應當總甲火夫所苦多有賣屋逃往鄉村各處避住其見存者差役繁重出錢數多愈加罪累今後除應優免之家外其餘排門逐戶俱輪流應當常川在舖專一隄防火盜潔淨街渠不許該管衙門做人情送與官豪勢要之家擡扛修理等項使用及不許寅夜令火夫執打

燈籠往來護送如違聽緝事衙門訪拿叅  
究其打卯止照舊例於錦衣衛奉敕巡捕  
街道官巡城御史工部街道官處每月一  
次及有事呈報其餘別項衙門打卯拘管  
等項盡行革去巡視點閘官校人等不許  
索錢擾害違者該城御史兵部官指實叅  
拿究治

一民間差徭不均多由飛詭稅糧爲害有等  
姦豪富民大戶田地本多賄囑官吏里書

虛捏名字花分詭寄一人之田分爲數戶  
規避重差又有將田地隱寄鄉官勢要之  
家托稱典賣假立文券勢家貪其厚賂田  
主利於免差作弊多端以致靠累小民困  
苦日甚今後撫按衙門各轉行司府州縣  
出榜曉諭若有前弊速令自首改正其有  
不行自首改正者許諸人訐告或體訪得  
出從重治罪

一近年上司喜事官員多要舉行丈地均糧

之法但有司官員不能沿坵履畝逐一查勘丈量其勢必委之里書姦人賄賂交通遂致那移等則增減分數作弊多端且民間版籍已定一旦紛更變亂田未及均而民被其擾官司終年造冊里甲日費供給戶部通行各撫按衙門轉行各司府州縣官民間田地悉照冊籍應當糧差查出姦弊卽爲寃治改正不許一槩丈量改科自立新法生事擾民

一朝廷每遇災傷江南起運糧米改納折色  
本爲優恤小民近來不才有司多將折色  
派與官豪大戶以作人情貧難下戶依舊  
辦納起運糧米甚非恤民本意今後上司  
官員嚴加禁約遇有災傷折色糧米務令  
均勻分派使小民得沾實惠

一近年上司官員多以訪察拿人發與所屬  
官員問罪旣無原告又無指證逼令犯人  
自行相像供招中間固有得實者而被誣

者亦多甚至有枉問死罪充軍者茲人乘  
機報復私讐刁徒緣此肆行誣詐承委官  
員奉承意向明知虧枉不敢辯理今後撫  
按及兩司官員問理詞訟止據告發提問  
若果訪有土豪大戶害衆成家欺隱田糧  
暴橫鄉人實跡顯著者方可拏問毋得徧  
信傳聞之言不論虛實輕重一槩訪拿其  
近年訪拿問過犯人已發落者除輕罪外  
事干死罪及充軍不係告發事無證佐者

許其訴告卽與辯理勿得拘泥成案見提  
見問未結者卽便釋放

一各處州縣糧長之設專爲徵收解納錢糧  
先年人多樂當近來一當糧長無不破家  
蕩產蓋因僉點之時官吏受財聽囑將富  
豪之家指以納粟監生納銀王府官員義  
官等項除免止將善良之戶僉充應役之  
後州縣正官一應公私應用多令其出辦  
甚則令備土儀貨物紗羅段疋等項餽送

往來勢要管糧佐貳官又復索要常例銀兩又有被鄉官勢豪不肯依時納糧過違期限上司督責虛文完報只得代伊輸納撫按官宜嚴加禁約今後糧長除應免官員外其餘務從公僉充毋令賄囑脫免應役之後專一徵收錢糧不許科派出辦分文錢物及接受常例銀兩違者俱坐賊論勢豪之家不肯依期納糧依法究治

一各處有司多有假以修理爲由動支官庫

銀兩科罰小民財物名爲公事實濟其私  
上司信憑呈稟往往許其設法措置不免  
巧取於民今當民窮財盡之時宜嚴加禁  
約除城垣坍塌不得不早整理其餘公館  
學舍驛遞一應屋宇非十分損壞不許擅  
自興工以勞民力敢有指稱修理科罰民  
財者縱不入已亦照科罰事例起送降用  
一今天下驛遞廢弛各該衙門不論事情輕  
重輒起符驗關文或平頭關文所差人役

多將口糧改爲廩給脚力改爲馬疋又有  
賁執該管上司批牌迎送親戚故舊所至  
索要飯食下程嚇取折乾銀兩過關米糧  
往來官船多有索要人夫至一二十名夫  
役有限應付無窮驛傳焉得不廢撫按巡  
河管河等官務要痛革前弊有關文者照  
關應付廩給口糧馬匹脚力無關文者不  
許一例應付親臨上司亦不許擅給批牌  
迎送往來其有司接遞夫役不拘大小官

員所坐船隻止照舊例上水二十名下水  
十名敢有倚勢多索縱容下人賣放撫按  
管河等官先將船家拿問干礙職官指實  
叅奏前項弊端若上司官縱容不舉許被  
害人員奏告處治

一各處逃亾人戶拋棄故土流離他方皆因  
饑寒所逼或錢糧負累私債逼迫情非得  
已然安土樂業無來歸之願奈何有司不  
知存恤聽信該管里老有復業者就令認

賠拖欠稅糧承當重大力役逼迫無奈只得復逃田地經年荒白見在人戶愈加靠累今後逃民有復業者除免差徭三年里長不許勾擾其荒白田地無田小民豈無願開墾耕種者亦因官吏里甲逼其認糧當差不敢承種有司即便出給告示曉諭但係久荒田地許諸人告官承種亦免其差徭三年三年之後如果成熟方纔量納輕糧如有不遵官吏里甲人等一體治罪

皇明詔赦

七

嘉靖六年

七十三

三十三

各州縣官有設法勸諭招撫流民復業數多及招人開墾承種荒白田地數多者俱作賢能官保薦擢用

一江南財賦所自出水利所係至重近年所司官往往忽而不講旱澇無備一遇凶荒稅糧無措浙江設有水利僉事帶管南直隸地方各府縣又復設有治農通判縣丞等官上下因循坐視廢弛已往不究着巡撫官督令水利僉事往來巡歷着落府縣

治農官員將槩管地方水利講求議處何處水源所當疏通何處經流所當挑濬冬末春初將池塘壩堰溝塍圩岸趁時協力挑濬修築使高低之田俱有所備不爲旱澇所傷夫役取諸得利之家若工程浩大量起臨境人夫互相幫工合用錢糧巡撫查取先年導河夫用剩貯庫銀兩及贓罰無礙官錢應用不許虛應故事

一運糧船隻經由儀真瓜州二壩盤剝顧脚

所費不貲儀真設有攔潮閘一座春三以後潮長之時可以過船近年工部委官偏聽壩上脚夫店家之言指以泄水爲由不肯開放管河官查照建閘初意上河水少自難開閘若潮長河溢不拘軍糧民糧官民船隻一體循次開放無故阻當者罪之一鹽利乃民生所須近來官鹽阻滯不通鹽價高貴民食甚艱而濱江濱海鹽徒典販無忌私鹽船隻多至數百往來大江張打

旗號擅用火器兵器停泊地方貪利之徒公然替伊轉販遇有商民船隻因而劫掠卽今江南各府民間所食多是私鹽官引阻塞着巡鹽巡江御史督令各該巡鹽巡捕官司將鹽徒上緊設法挨拿務要盡絕仍根究官鹽何以不通私鹽何以盛行應自處者徑自處置事體重大者奏來定奪務使官鹽疏通鹽商得利課額不虧邊儲有賴若鹽徒勢衆原設巡鹽巡捕人役不

敷巡撫巡江都御史酌量緩急調兵擒捕  
毋令滋蔓以貽地方之害

一內外文武大小官員不能持廉秉公或剝  
削軍士或侵害小民或占奪莊田或擅作  
威福或把持民利或濫受民詞或交通關  
節或鑽投倖門以致政體紊亂人怨天怒  
文官着吏部都察院武官着兵部內官着  
司禮監嚴加查訪責治罷黜果有害人實  
跡聽科道官糾奏

一皇莊及功臣田土該徵錢糧照例折銀中間有應分豁者卽與分豁原徵本色租糧其後一槩徵銀三分比舊加倍者宜照舊徵租糧安陸州莊田租銀亦照附近則例量爲減免

一各處解到糧料草束白熟粳米牛皮銅漆薪臘等項俱係小民脂膏收受官員不肯體念糧米則加倍多收又有欺家車腳錢大賊小賊錢木板席苫錢各庫銅漆等料

亦各索取常例京通二倉計石科取茶錢  
以致解戶大戶及漕運官軍借債添賠輕  
則破產傾家重則妻孥累死小民之害此  
爲最甚今後有仍前故違分外需求科擾  
及監收官不行查革一體治罪

一守令之職實民生休戚所關但其間賢否  
不能一律必須上司鼓舞振作有所懲勸  
然後人肯盡力民得安生今後撫按官務  
要督同守巡官常川巡歷州縣查考各守

令政務有無修舉覈其賢否實跡果有循良昭著者不拘進士舉人歲貢吏員量其年資深淺會本旌舉或先與誥敕或降敕獎勵或增職賜金待後不次擢用其貪酷罷軟有顯迹者亦卽依律照例問擬發落相見之際務須待以禮貌不得非禮凌虐一在外司府州衛衙門或因公務往往差遣千百戶舍人承差知印吏典陰陽醫生旗甲人等下屬催儹未完行提人犯凡到所

在官司延住日久需索無厭各州縣亦輒  
濫差皂隸兵快下鄉勾攝公事擾害小民  
無所不至今後撫按官務要嚴加禁約違  
者從重治罪

一救荒積荒拋荒地遺下稅糧派民賠納  
者所在官司須出榜召募不拘本府別府  
軍民竈匠儘力墾種照數出與由帖永遠  
管業量免稅糧三年三年之後照奏准事  
例每畝止徵官租瘦田二斗肥田三斗永

免起科加耗及一應田上差役其槩縣原  
賠稅糧卽以所徵官租歲報巡撫衙門照  
數扣減

一鹽場鹵丁在濱海者照丁清撥草蕩或處  
置量與攤曬灰場在水鄉者照例止令納  
折鹽米及原撥草蕩價不許再令僉補缺  
丁鹽課

一臨邊城堡居民先年被賊虜去一時得脫  
到邊來降者守邊將官及守墩官軍不許

誘殺報功以冒陞賞違者撫按官查究重治

一各處軍衛有司巡捕官多不得人盜賊生發不能及時撲滅問獲真盜又輒受賂脫放反容令攀扯平昔有警良民刑追賊物冤抑難伸今後撫按守巡官務要嚴加禁約凡遇選委巡捕慎擇操持公正官員不許濫用

一軍士養贍止賴月糧各該指揮千百戶等

官指稱出辦官錢百端剝削未知已減半  
揭放將給則盡數扣除在內兵部在外撫  
巡并分巡官務要嚴加禁約許被害軍人  
指實告理從重問罪革去管軍管事各處  
軍糧缺乏多因官司追解遲延以致倉庫  
空虛無從支給今後各州縣派納各處倉  
糧務要布政司總理管糧官立限比併有  
過限者州縣官住俸提問

一嘉靖元年至四年終各處拖欠牲口巡按

御史委官備查其未徵未解果係小民拖欠者照數蠲免若係均徭總徵者酌量差銀內牲口項下該銀若干扣算蠲免

一在京官員及夫人病故止與該得祭葬其齋糧麻布一體裁革不許奏討

一民間利病所當興革詔內該載不盡者各處巡撫都御史巡按清軍巡鹽巡茶巡馬巡捕御史等官會同司府州縣等官宜祇承德意備查

祖宗成法與歷年詔旨所當舉行者逐一舉行限半年以裏將行過事宜開具奏報以驗勤惰之實其事情重大應奏請者徑自奏聞區處

一吏役到部免其罰班吏役冊雖未到亦准暫撥辦事待行查至日果有過犯量事情大小究治其辦事再免半年卽撥當該三十六箇月內亦革去俸糧半年以存省國儲

皇明詔赦

嘉靖十六年

三十七

一宛平大興二縣爲京師根本頃年戶口消耗遺下糧差貽累貧戶賠納其各處軍民人等附住京師內外不下數萬俱各遊閒影射絕無差役宜令戶部議處行令巡城御史嚴督各該兵馬司官逐一查審除浮居客商外其餘居住年久置有產業房屋鋪面者責令附籍兩縣一體當差仍暫免三年以示存恤若有冒假衛所籍貫者行勘發遣其該城官吏人等亦不得因而科

害

一國初畿內地方人民稀少原奉旨儘民開墾永不起科當時勲戚之家亦有欽賜莊田以資養贍迄今百六十年生齒日繁開佃無遺縱有曠閑多係水衝沙壓不堪爲業除已賞莊田地土照舊亦不必查勘今後再不許聽信撥置動將有主之田朦朧陳乞以致小民窮苦不得安生敢有故違聽該部該科叅究處治

一京城舖戶各有本行如酒醋局織染局及  
轎夫三行多取中產開舖之家應當差役  
優免本戶近年姦商人等躲重就輕投入  
其內遺下重大差辦累及貧窮其通州舖  
戶亦多投入部廠轎夫身役影射數多宜  
令工部議處在兩縣行巡城御史在通州  
行巡倉御史各照原額查審收留公用多  
餘之數退回州縣聽當別差

一雜犯死罪准徒五年及例該枷號發落者

今後五年一次差官審錄有犯該前項罪名徒五年者減去一年枷號者就行釋放崇文等門外原有漏澤園近年多被勢豪侵占以致貧民無地藏掩宜令有司清查各園邊界責令還官及查近城相應空閒地土增置義塚仍行五城兵馬督率有主并有地者令其安葬無主者官爲掩埋不許焚寄仍出榜禁約及通行在外衙門一體遵行

一各處司府州縣官員多有專事虛文不惜民力往往因公擾民指一科十若造冊畫圖及修理書院起建祠宇刊刻書籍揭摹碑版等項勞民傷財以作無益宜行撫按官痛加裁抑甚者坐贓究治

一兵部抽選軍丁充實營伍不拘軍民人等但在京師附住年久俱准投充若順天府所屬州縣民戶自有本等民差若避重就輕投充軍役者查審治罪仍發當民差

一各處衛所官員人等置買民戶田地往往州縣催徵不服拘攝以致糧差累及糧里賠納宜行撫按衙門并管糧等官申嚴曉諭今後官軍置買民田糧差一體坐派仍聽有司拘攝務使軍民兩便

一山東泰安州香錢每年類解布政司除補支王府祿米及官員俸糧折鈔外其餘收貯在庫稽考明白聽補銀差如京班皂隸及馬夫柴夫齋膳夫不及之數免致重派

小民

一各鎮遊奇兵調用防守經年不得掣回比之正兵尤爲勞苦宜着鎮巡官議處遊奇兵有警照舊征守無警掣回原衛或與正兵輪流撥用以均勞逸

一今日之弊患在賄賂公行請託無忌以致職戎伍者剝削軍士司民社者剝削編民上下交征貪饕無厭閭閻之下十室九空宜着都察院轉行各處鎮巡及文武職官

各宜守分若有仍前夤緣納賄者在內從  
科道官在外從巡按御史及按察司糾劾  
一各王府分封旣久宗枝日蕃民間地畝所  
出有限而祿米歲增未免供用不給以致  
各府往往赴京陳奏宜行撫按衙門通融  
區畫或事體重大奏請議處

一易州山厰止供柴炭一事先年原設司府  
州縣等官俱有額員其後隨革隨留惟順  
天府二十七州縣止留通判主簿各一員

足勾管理其餘八府尚未減革循至於今  
見任者七十一員近已有旨一應柴炭俱  
許招商上納前項官員似涉多餘工部便  
會同管廠侍郎查照原額并各府州所屬  
夫多者量留二十四員兼催錢糧外其餘  
後來添設四十七員之數應否裁革別用  
再加議處務期經久可行不至悞事

一國朝設立衛所置屯田令軍士耕種納其  
餘糧以充歲餉近來法久人玩姦豪官舍

軍餘人等霸占者多兵部便行各該巡撫  
督率管屯方面等官查勘某衛某所屯田  
若干分屯軍若干名其在官舍軍餘名下  
占種者係年久故軍之田仍與領種代納  
糧草如軍見存無田者卽令退還本軍爲  
業其領種故軍之田一人止許一分一戶  
止許二分其餘亦令退出以給未領之戶  
新附之軍內有修成廬舍植過園林願賣  
者亦聽平價贖買管屯官仍將查過退還

緣由并增出糧草數目造冊送部以憑稽考

一疑獄未明人情所苦近來各處問刑衙門監禁強盜人命未決及充軍追贓人犯有疑似不明真偽未分者蓋緣起初原問官司或執偏見或肆貪酷不加詳慎有以刑逼坐贓者有因同名誤坐者草次取供遂成卷案豪猾者反以僥倖脫網良善者仍以無辜受禍以後歲月漸遠官吏屢更拘

成案者不肯與辯避嫌疑者不敢與辯結  
憤牢獄實傷和氣都察院便行文與各處  
巡按及審錄官各秉至公勿拘成案勿避  
嫌疑的見冤枉卽與辯理情重者奏請定  
奪以雪民冤

一各邊軍職有因繳冊遲悞限期催徵不逮  
原額馬疋不及分數一切住支俸米十乃  
八九遠者已愈十餘年近亦不下五七歲  
父母妻子無所顧養以致嗟怨之聲上千

和氣兵部便與查議奏請凡因公事住俸  
年久者候命下之日悉與關支違者治罪  
一內外逃軍該部不論遠近一槩發冊清勾  
內有丁盡戶絕原籍官司已經回答四五  
十次者有之二三十次者有之勾攝之時  
特資吏胥里老之弊而已以旣絕難繼之  
軍撥平居無故之民於軍無益於民有害  
兵部卽查原籍行勾曾經回答戶絕十次  
以上者不必濫開以致擾害

一正德年間軍職冒濫陞授數多已有詔書事例查革但恐承委官員奉行大過致將例不該革與詔書開載不合者一槩混革未免人心嗟怨且無以激勵後人兵部查議明白若果有例不該革之人開具事由奏請改正不許一槩混開以滋冒濫之弊其各該人員例應減革而朦朧比照陳乞奏擾者該部該科叅究治罪

一詔書到日所在官司務要着實奉行仍刊

布傳給使戶曉人知若官員乘斯添減返  
害小民許被害之人奏告治罪

於戲應

天以實必上下之交修視民如傷合遠邇而一致當  
春陽發育之候施同仁曠蕩之恩庶幾化洽於  
人和用以培植乎國本詔告天下咸使聞知

嘉靖六年二月十三日

奉

天承運

皇帝詔曰朕聞聖人之孝以尊

親爲大人君爲治以孝敬爲先匪忤情率意之所敢  
私實古聖帝王之要道者也朕以藩服仰荷

天命奉我

皇兄遺詔遵我

聖祖兄終弟及之文令朕入奉

祖宗大統自卽位之始首命禮官會廷臣集議

皇明詔敕 七

嘉靖七年

八

稱號等項奈何左右大臣謬主非禮之議春曹卿佐  
妄考不經之言謂父子可絕其親執後世爲人  
後之說是以統嗣無分紀綱墮失人倫幾至不  
明考議幾於聚訟當是其時朕徒存追報之誠  
見聞罔有所得上賴

皇天鑒佑賚我賢良大名大倫已各正其天序

尊稱

尊號尚未合乎彝章是非奸黨所能爲實由朕冲昧  
無知之所致也今追惟我

皇祖妣孝惠皇太后夙事

皇祖勤儉齊莊其

尊稱未盡我

皇考恭穆獻皇帝玄德昭彰寬仁純粹

聖母章聖皇太后靜善淑哲克禪內治

誕育朕躬

深恩罔極慕

鞠勞訓誨之無可酬肆

洪仁

峻德亦曷以頌追報之忱旣莫能伸揄揚之誠又未  
少罄茲復叅稽典制爰據輿情遣官祇告于

天地

宗廟

社稷於今年七月初十日恭奉

冊寶追上

皇祖妣

尊號爲

孝惠康肅溫仁懿順協天佑聖太皇太后加上

皇考

尊謚爲

恭睿淵仁寬穆純聖獻皇帝十二日恭奉

冊寶加上

聖母

徽號爲

章聖慈仁皇太后大禮告成所有應頒恩賚條示于

後

一兩京文職官員未及三年考滿但到任歷

俸一年之上無過者俱與應得誥敕封贈  
父母後不爲例

一、文職官員五品已上以禮致仕在家者實  
年六十以上者各進階一級考察等項革  
職冠帶間住者不許濶濫其一品以上致  
仕大臣年八十者有司備彩帛羊酒問勞  
九十以上其實奏來遣使存問

一、各處王府應得祿米各該巡撫官嚴督有  
司查催完納毋致缺欠

一湖廣安陸州地狹民貧今

陵寢所在供應浩繁以後除辦納稅糧外其餘雜辦  
差徭悉與除豁

一各處軍民人等有五世以上同居不分爨  
者有司勘實奏請旌表門閭仍免一應雜  
泛差役以勵風俗

一各處小民有衣食不給流移他鄉者詔書  
到日各還本土有司務要加意撫恤俾務  
生業仍免雜差一年

一各衛所軍士月糧多有經年累月不得關支所在撫按官嚴同有司查催應納未完稅糧陸續補支如有不敷將在庫堪動銀錢量爲處補

一宗室有年七十以上各賜米十石絹十疋凡一應禮儀有衰病不能自行者子爲代行以示優老之意

一各處學校廩增生員有親老無人侍養願告侍親者聽親終復學其累舉不第年五

十以上願告退閒者許與衣巾終身仍免  
本身雜泛差役

一軍民之家有年七十以上者許一丁侍養  
免其雜泛差役年八十以上者有司給絹  
一疋綿十斤米十石肉十斤九十以上者  
倍之其男子八十以上有爲鄉里所敬服  
者加以冠帶榮身

一義夫節婦孝子順孫有司卽與保勘其實  
奏聞照例旌表其已旌表年及六十者男

子冠帶榮身婦人照年八十以上例給賜

絹帛米肉

一在京内外有鰥寡孤獨廢疾不能生理者  
卽便收入養濟院照例給與衣糧毋令失  
所

武職應得誥敕多有請給年遠未曾撰給  
兵部會同膳黃官及中書舍人盡數查出  
先儘誥冊收貯見在者上緊撰寫給散其  
有應該停授并查理未明者兵部查議奏

請施行

一各邊鎮總兵副叅遊擊等官受任一年之外曾有斬獲軍功係署職者俱與實授守備官歷一年不曾失事無過者亦與實授職銜其指揮行都指揮事但係領敕官員亦以一年爲限無過者量與署職以便行事後不爲例

一宗室節年因事減革住支祿糧者除敗倫傷化打死重情外其餘詔書到日全革者

准支一半減去一分二分者俱准照舊全支以資養贍

一在京在外軍職但因公事住支俸糧者詔書到日俱與關支以資養贍

一在外衛所武職官員有年老殘疾及故絕母女正妻無人替襲者俱結勘明白申達撫按衙門照例優養不許衛所官吏人等刁難阻抑

一養種馬山東河南所屬州縣每人丁五丁

養兒馬一匹十丁養騾馬一匹南直隸所屬州縣每十丁養兒馬一匹十五丁養騾馬一匹中間如有祖父母父母年及七十以上者府州縣官免其養馬及卽准除一丁侍養不許僉派醫獸等差

一在京武職除近選軍政并會保將材其餘有告願調改外行者該部查勘相應具奏改調仍聽撫按官照例考選等事

一在外在外緝獲強盜妖言姦細等項事情

皇明詔赦

卷八

嘉靖元年

二

二七二

各該問刑衙門務要從公研審的確果有冤枉卽與辯理

一問刑衙門有因正犯逃故累及家屬干連証佐監久者從宜保放正犯情罪深重者仍挨拏完結

一雲貴川廣連年用兵採木宣大延寧擄賊侵擾浙江湖廣直隸等處水旱相仍盜賊竊發軍民疲憊工部坐派一應料價并輪班人匠工價自嘉靖元年以前已徵在官

者差人解部果係小民拖欠及起解中途  
偶遇水火盜賊未完欠班者勘實悉行停  
免以蘇民困

一浙江江西山東河南山西湖廣福建四川  
各布政司蘇松常鎮徽寧池太廬鳳淮揚  
等府及廣德州各處歲造段絹有自正德  
初年至正德十六年止全無解部者多因  
各處地方頻年災傷小民困苦徵解不全  
或經收人等侵欺以致文移催徵殊無了

時著撫按官嚴督有司從公查勘自嘉靖元年以前各處一應拖欠段絹若係侵欺者照數追價完解果係小民未納料銀者悉與蠲免

一御史給事中職當言路凡朝廷政事得失天下軍民利病許各陳所見明白具奏言有可採該衙門卽與覆奏施行不得顧忌緘默以長欺弊

於戲立孝尊

親俾示追崇之道推恩睦族誕敷大賚之仁自親親  
以及於恤民爰長長以至於愛物尚期賢佐共  
致雍熙庶副朕所素願用光

祖考之休詔告天下咸使聞知

嘉靖七年七月十九日

奉

天承運

皇帝詔曰朕惟正家爲萬化之源朝廷乃四方取則  
故君聽外治以正其陽綱后聽內外以修其陰  
教此古今弗易之大政也朕以菲德仰承

天命統御乾綱近因坤儀缺位恐內外失修乃遵  
兩宮累降之命納羣臣忠藎之誠謂中宮之位弗宜  
久虛當早繼立以匡內治朕謹循

祖典茲以今年十一月二十八日祇告于

天地

宗廟聞于

兩宮皇太后遣文武大臣持節捧冊寶授順妃張氏  
繼立爲皇后賴其共承

宗祀事養

兩宮禮儀旣成特以朕意詔告中外俾悉聞知

嘉靖七年十二月初二日